

1985 è Muhammad Ali stà a Vella

■ (rtr) Sur dals cumbats da Muhammad Ali en il rintg na lain nus betg rapportar. Nossa istorgia cun il campiun da boxar american è succedida a Vella en Lumnezia. Ils 21 da favrer 1985 ha Muhammad Ali visità Vella. Pervia da quella visita datti bleras istorgias a Vella che han da far cun il campiun da boxar. Mintgin che ha vis el quai di ha sia atgna. Uschè enconuschent sco Ali è stà, è la sentupada cun el restada en la memoria da mintgin. *Vinzenz Lechmann* è in d'els che sa regorda da questa sentupada. Per el ha quai entset cura ch'el è turnà d'ir cun skis. La nova ch'el ha intervegnì è stada: Muhammad Ali è ella ustaria da la Posta.

Ali davos la maisa canorta

Strusch da crair, ma igl era uschia. Il campiun da boxar american seseva a la maisa radunda. *Vinzenz Lechmann* va a chasa per in cudesch cun maletgs dal campiun e survegn da Muhammad Ali gist quatter autograms. Per la famiglia *Lechmann* datti anc ina ulteriura surpraisa. Avant l'ustaria prenda Ali lur figl Marco en bratsch. È quai vegn documentà cun fotografias.

Sin visita tar in ami

Il motiv daco ch'el aveva visità Vella è in possessur d'ina chasa da vacanza a Vella. *Willi Wolfinger*, bain enconuschent a Vella, aveva fatg enconuschientscha cun Muhammad Ali en l'America. El ha carmalà il campiun quel di a Vella ed uschia procurà per nundumbraivlas istorgias. La visita da Muhammad Ali cuzza mo in pèr uras ed el banduna puspè Vella. Avant che turnar enavos a Turitg han Muhammad Ali e sia escorta anc visità la baselgia da S. Bistgaun a Degen, sco *Vinzenz Lechmann* raquinta vinavant. Pertge quella visita a Degen a S. Bistgaun, gliez na sappia el betg.



Muhammad Ali davant l'ustaria Pellas a Vella cun Marco, il figl da *Vinzenz Lechmann*.



Vinzenz Lechmann è adina stà in grond fan da Muhammad Ali.